

Na osnovu člana 70. 71. 72, i člana 73, Zakona o Visokom obrazovanju Kantona Sarajevo (Službene novine Kantona Sarajevo broj 43/08), te članova 18.do 32.Pravila studiranja za drugi ciklus studija na Univerzitetu u Sarajevu (broj: 0101-38-275/11 od 15.07.2010. godine),

U P U T S T V A Z A P R I J A V U, I Z R A D U I O D B R A N U Z A V R Š N O G - M A G I S T A R S K O G R A D A U O K V I R U D R U G O G C I K L U S A B O L O N J S K O G S T U D I J A

Završni rad je samostalan rad u kojem student obrađuje odabranu temu primjenom naučnih i stručnih metoda, te dokazuje da je savladao nastavni plan i program studija, stekao potrebno znanje i osposobio se za njegovu primjenu.

Pored zahtjeva iz stava jedan ovog člana, student u završnom radu treba da pruži dokaze da se uspješno koristi metodama u stručnom ili naučnom radu, u izlaganju rezultata istraživanja, kao i da je osposobljen da izvodi zaključke na osnovu tako realizovanih istraživačkih zadataka. Rezultati izneseni u završnom radu treba da predstavljaju doprinos:

- sistematizaciji naučnih ili stručnih zadataka i postojećih rješenja za određenu oblast;
- rješavanju aktuelnog naučnog ili stručnog zadatka koji je postavljen kao cilj rada;
- primjeni postojećih naučnih ili stručnih dostignuća u rješavanju kompleksnog stručnog zadatka.

Izrada završnog rada –magistarskog rada sastoji se od (u daljem tekstu magistarskog rada sastoji se od:

- a) Izrade, prijave teme magistarskog rada,
- b) Izrade magistarskog rada,
- c) Odbrane magistarskog rada.

PRIJAVE TEME MAGISTARSKOG RADA

- a) Kandidat/kinje piše prijavu magistarskog rada na obrascu MR1 koji treba da sadrži sljedeće:
 - Teorijsko-metodološki dio (problem istraživanja, predmet istraživanja, teorijska osnova istraživanja);
 - Ciljeve istraživanja (naučni i društveni ciljevi);
 - Sistem hipoteza;
 - Metode istraživanja;
 - Vremenski plan istraživanja;
 - Kratko obrazloženje preliminarnog sadržaja rada po dijelovima i cijelinama;
 - Inicijalni spisak literature;
 - Kraću biografiju kandidata/kinje.
- b) Procedura prijave i odbrane završnog rada
 - Kandidat/kinja nakon odslušanih predavanja predviđenih Nastavnim planom i programom stiče pravo prijave magistarskog rada. Prijava se podnosi u roku od trideset (30) dana od zvaničnog početka završnog semestra (što se utvrđuje godišnjim akademskim kalendarom aktivnosti Fakulteta sporta i tjelesnog odgoja).
 - Prijava za odobrenje teme se podnosi Nastavno-naučnom vijeću, putem protokola
 - Prijava mora biti potpisana od strane kandidata/kinje i mentora,
 - Na magistarskim studijima (4+1, 3+2) prijavu za odobravanje tema razmatra Nastavno naučno vijeće i na istoj sjednici predlaže članove komisije za ocjenu i odbranu magistarskog rada.
 - Nastavno-naučno vijeće odobrava teme, imenuje mentora i članove komisije za ocjenu i odbranu magistarskog rada.

IZRADA MAGISTARSKOG RADA

1. Struktura završnog rada sadrži:

- uvodno razmatranje.
- predmet i problem istraživanja.

- pregled dosadašnjih istraživanja
 - ciljevi i zadaci istraživanja
 - hipoteze istraživanja
 - metodologija rada
 - rezultati i diskusija
 - teoretska i praktična vrijednost rada
 - zaključak
 - literatura
 - prilog
 - Magistarski rad treba da bude korektno jezički, stilski i tehnički oblikovan u skladu sa pravilima izrade naučnih publikacija.
 - Prikazi ,slike, tabele i dijagrami kao sredstvo vizuelnog prikaza se mogu koristiti u pojašnjavanju i ilustraciji teksta rada.
 - Korice magistarskog rada su teget plave boje sa bijelim ili srebrenim slovima i bijele boje sa teget plavim slovima, sadrže: logo Univerziteta u Sarajevu, i logo fakulteta naziv Univerziteta (Times New Roman, 14), naziv Fakulteta (Times New Roman, 14), Smjer (Times New Roman,14), tačan naziv teme rada (Times New Roman, 16),ime i prezime mentora (Times New Roman, 14), ime i prezime kandidata/kinje (Times New Roman, 14), broj indeksa kandidata/kinje (Times New Roman, 14), te datum i mjesto predaje rada (Times New Roman, 12),
 - Hrbat magistarskog rada sadrži: ime i prezime kandidata/kinje (vertikalno), tačan naslov teme rada (vertikalno) i godina predaje rada (horizontalno).
- Sadržaj treba biti pregledan i poglavlja postavljena određenim i konzistentnim redoslijedom, sa jasno naznačenim naslovima, međunaslovima i poglavljima koji trebaju svojom numeracijom izražavati logičku konzistenciju rada.
- Citiranje se vrši prema općevažecim akademskim normama.
- Kandidat/kinja može koristiti harvardski ili kontinentalno-europski(Chicago Manual of Style) način citiranja (vidi prilog br.4).
- Korištena literatura-

bibliografija se treba navoditi prema općevažecim akademskim normama (vidi prilog br. 5).

•Magistarskom radu treba priložiti potpisanu izjavu o plagijarizmu (vidi prilog br. 6) koja treba biti ukoričena sa radom.

Rad treba biti tehnički uređen na sljedeći način:

- Naslovi poglavlja Times New Roman 12 pt.Naglašeno
- Naslovi potpoglavljaTimes New Roman 12 pt.Kurziv-ukoso-italic

Opći tekstTimes New Roman 12 pt.1,5 prored, justify (obostrano poravnanje teksta) IzdvajanjeTimes New Roman 12 pt.Kurziv-ukoso-italic FusnotaTimes New Roman 10 pt.1 prored, justify (obostrano poravnanje teksta), uvučen 0,5 cm Literatura-bibliografijaTimes New Roman 12 pt.1 prored, justify (obostrano poravnanje teksta), uvučeno 1cm Broj stranica Times New Roman 12 pt. Dole desno Margine teksta: gornja 2cm; donja 2cm; lijeva 2,5cm; desna 2,5cm.Tekst, sadržaj, naslovi i podnaslovi, citiranje, fusnote i spisak literature moraju biti crne boje.Tekst može imati fusnote.Prije svakog naslova i podnaslova trebaju biti dva slobodna reda, a nakon svakog naslova (a prije teksta) jedan slobodan red.

ODBRANA MAGISTARSKOG RADA

Procedura prijave za ocjenu i odbranu magistarskog rada

- Završeni magistarski rad može se predati tek nakon što **student položi sve ispite po Bolonji** i izvrši sve druge obaveze magistarskog studija.
- Zahtjev za ocjenu i odbranu magistarskog rada kandidat/kinja upućuje prema Nastavno-naučnom vijeću preko protokola i studentske službe sa četiri primjerka završenog magistarskog rada (meki povez).

- Zahtjev iz predhodnog stava sadrži: Prijavu, saglasnost mentora da rad ispunjava kriterije navedene u obrazloženju teme i izvještaj iz službene evidencije o ispitima i (E)CTS bodovima kandidata.
- Komisija za ocjenu i odbranu magistarskog rada je dužna u roku od 20 dana od dana prijema zahtjeva sačiniti i dostaviti Izvještaj o magistarskom radu.
- Izvještaj o ocjeni magistarskog rada sadrži slijedeće elemente: biografiju ili curriculum vitae magistranta, opis i sadržaj magistarskog rada, ocjenu magistarskog rada, ocjenu naučnog (manje) i stručnog (više) doprinosa u rješavanju određenih problema, zaključak i prijedlog, u obimu od tri do pet stranica.
- Izvještaj komisije o magistarskom radu se prosljeđuje Nastavno-naučnom vijeću na usvajanje.
- Nastavno-naučno vijeće donosi konačnu odluku o usvajanju Izvještaja Komisije, odnosno prihvatanju završnog rada i odluku o zakazivanju odbrane.
- Ukoliko komisija ili Nastavno-naučno vijeće ne prihvate završni rad, kandidat može izvršiti ispravku u skladu sa primjedbama ili podnijeti novu prijavu teme završnog rada u roku od 30 dana od dana prijema odluke o odbijanju.
- Odluka o usvajanju izvještaja i datumu odbrane dostavlja se studentu i objavljuje na oglasnoj ploči, odnosno web stranici Fakulteta.
- Kandidat putem protokola dostavlja studentskoj službi pet primjeraka tehnički završenog rada (tvrdi povež + elektronska forma)
- Javna odbrana se zakazuje i objavljuje najmanje 7 dana od usvajanja izvještaja na nastavno-naučnom vijeću. Objavljuje se na web stranici Fakulteta.
- Period predviđen za odbranu magistarskih radova je u pravilu u skladu sa godišnjim akademskim kalendarom aktivnosti Fakulteta sporta i tjelesnog odgoja.

Prezentacija i usmena odbrana magistarskog rada:

- Otvaranje postupka odbrane od strane Komisije,
- Kandidat/kinja izlaže glavne ciljeve i rezultate istraživanja (do 30 min.),
- Komisija daje svoje komentare i postavlja pitanja (10-15 min.), nakon toga slijedi pauza od 15 min,
- Kandidat/kinja odgovara na pitanja (10-15 min.),
- Komisija se povlači na konsultacije,
- Predsjednik Komisije saopštava konačnu Odluku.

Ocjena magistarskog rada:

- Magistarski rad se ocjenjuje na slijedeći način:
5 (F)–ne zadovoljava minimalne kriterije i potrebno je više rada,
6 (E)–zadovoljava minimalne kriterije,
7 (D) –općenito dobar, ali sa značajnim nedostacima,
8 (C) –prosječan sa primjetnim greškama,
9 (B) –iznad prosjeka, sa ponekom greškom,
10 (A)–izuzetan uspjeh sa neznatnim greškama.

Za sve ostale detalje koji se odnose na pripremu i odbranu završnog –magistarskog rada primjenjuju se odredbe Pravila UNSA za drugi ciklus studija i Zakona o visokom obrazovanju Kantona Sarajevo od 31. decembra 2008. godine. U prilogu su obrasci:

1. Prijava za temu magistarskog rada MR1
2. Prijava za ocjenu i odbranu magistarskog rada,
3. Korice magistarskog rada
4. Citiranje,
5. Korištenje literature.
6. Izjava o plagijarizmu,

Prilog br.1

Ime i prezime studenta:

Smjer:

Broj indexa:

Telefon:

E-mail:

UNIVERZITET U SARAJEVU

FAKULTET SPORTA I TJELESNOG ODOGOJA

Nastavno-naučno vijeće

PREDMET: Prijava teme za izradu završnog -magistarskog rada u okviru II drugog ciklusa bolonjskog studija Prijavljujem se kao kandidat za pisanje završnog -magistarskog rada pod naslovom:

„NAVESTI NAZIV TEME“ Molim Nastavno-naučno vijeće Fakulteta sporta i tjelesnog odgoja Univerziteta u Sarajevu da razmotri prijavu teme za izradu završnog-magistarskog rada. Napominjem da sam sve potrebne konsultacije i saglasnost za prijavu navedene teme magistarskog rada obavio sa prof. dr. ime i prezime Uz prijavu prilažem:

1. popunjen obrazac MR1 (prijava teme magistarskog rada (+ CD))

2. Dokaz o izvršenoj uplati od 100 KM za prijavu teme magistarskog rada

Sarajevo, 00. 00.2014. godine

Saglasni za prijavu teme magistarskog rada:

1. Prof. dr. ime i prezime, mentor

Kandidat Ime i prezime

(obavezan potpis)

Prilog br.2

Ime i prezime studenta:

Smjer:

Broj indexa:

Telefon:

E-mail:

UNIVERZITET U SARAJEVU

FAKULTET SPORTA I TJELESNOG ODGOJA

Nastavno-naučno vijeće

PREDMET:

Zahtjev za ocjenu i odbranu završnog -magistarskog rada u okviru II drugog ciklusa bolonjskog studija Odlukom Nastavno-naučnog vijeća broj: (navesti broj odluke) od 00.00. 2014. godine odobrena mi je izrada završnog -magistarskog rada pod naslovom: „

NAVESTI NAZIV TEME“

Molim Nastavno-naučno vijeće Fakulteta sporta i tjelesnog odgoja Univerziteta u Sarajevu za ocjenu i odbranu magistarskog rada.

Uz zahtjev dostavljam:

1. Četiri primjerka završenog magistarskog rada (meki uvez + CD)

2. Dokaz o izvršenoj uplati od 200 KM za ocjenu i odbranu magistarskog rada

S poštovanjem,

Sarajevo, 00. 00.2013. godine

Saglasnost mentora za predaju završnog rada za ocjenu i odbranu:

Prof. dr. ime i prezime,

mentor

(obavezan potpis mentora)

Kandidat:

Ime i prezime _____

(obavezan potpis)

PRILOG BROJ 3

UNIVERZITET U SARAJEVU
FAKULTET SPORTA I TJELESNOG ODGOJA
Smjer _____

LOGO
NASLOV MAGISTARSKOG RADA

magistarski rad

-Kandidat/kinja (Prezime i ime) Mentor(Prezime i ime)
Broj indeksa:

Sarajevo, (mjesec i godina)

PRILOG BROJ 4

CITIRANJE U TEKSTU (harvardski način citiranja):

- ❖ daju se skraćene informacije o referenci: autor, godina i stranica u samom tekstu.
- ❖ "tekst tekst tekst" (autor godina: str.) tekst tekst. v

[npr. (Maier 1999: 3)]

- ❖ "tekst tekst tekst" (autor i autor godina: str.) tekst. v

[npr. (Dautbašić 2000: 3)]

Primjer:

Kao posljedica znatne razdražljivosti simpatičkog nervnog sistema, lako raste frekvencija srčanog rada, a sreću se i aritmije....(Dautbašić 2000)

CITIRANJE U FUSNOTAMA (kontinentalno-euroopski način citiranja):

- ❖ daju se kompletno bibliografske informacije za svako djelo u fusnoti.
- ❖ "tekst tekst tekst"

FUSNOTA

tekst tekst.

v[npr. Dautbašić Sabahudin.(2000). Topografija maksimalne mišićne sile nogometaša. Sarajevo: Sport u teoriji i praksi, br.1

PRILOG BROJ 5

LITERATURA TREBA:

Biti alfabetski poredana po prezimenu autora

(Kod istog autora poredat djela po godini izdanja, te ako ima više djela istog autora u jednoj godini, dodati a, b, c... iza godine [npr. 2002b]Referenca za knjigu):

Prezime, Ime godina publikacije, Naslov, Izdavač, Mjesto izdavanja

. [npr. Rađo, Izet. 2000, Energetski procesi prije, u toku i nakon treninga nogometaša. Seminar trenra 28-29.02.2000, Bilten NSBiH, Sarajevo, 2000.

PRILOG BROJ 6

IZJAVA O PLAGIJARIZMU

Kao student magistarskog studija na Fakultetu sporta i tjelesnog odgoja Univerziteta u Sarajevu potpisujem izjavu da sam upoznat sa Zakonom o visokom obrazovanju Kantona Sarajevo i Etičkom kodeksu Univerziteta u Sarajevu.

Ovom izjavom potvrđujem da sam magistarski rad napisao samostalno i koristeći se isključivo navedenom bibliografijom, te da ovaj rad nije korišten pri bilo kakvom drugom ocjenjivanju. Saglasan sam da jedan primjerak mog rada bude javno dostupan preko biblioteke Fakulteta sporta i tjelesnog odgoja.

Mjesto/datum

Potpis